



UNIVERSITÄTS-
BIBLIOTHEK
PADERBORN

Universitätsbibliothek Paderborn

Compendium Sacrorvm Ritvvm Et Caeremoniarvm

Vinitor, Gerlacus

Coloniae Agrippinae, 1656

XX. De Litanía maiori in die S. Marci.

urn:nbn:de:hbz:466:1-9459

TITVLVS XX.

De Litanis Maiori.

IN die S. Marci fiunt Litanie, quas maiores vocamus, & si festum occurrat in die Paschatis Litanie transferuntur in feriam tertiam sequentem ex Decreto Sacre Rituum Congregationis die 25. Septemb. 1617. & tunc in Missa de Rogationibus, quae dici debet sine Gloria, Credo & commemoratione Octauae Paschatis, dicitur quidem Praefatio Paschalis, sed ea quae cum suo cantu dicitur in diebus ferialibus, quia Missa est ferialis & consequenter neque in fine Missae *Ita Missa est* adduntur duo *Alleluia*. In Caneone tamen *Communicantes* Paschae proprium dicitur. Si occurrat in alio quocumque die, semper eodem die fit processio nempe 25. die Aprilis.

1. Dicta igitur die Clerus & populus hora statuta manet in Ecclesia congregati, omnes contrito & humili corde Deum flexis genibus paullisper precentur.

3. Sacerdos indutus Amictu, Alba, cingulo, stola & pluuiali violacei coloris, in Sacristia praecedentibus Thuriferatio cum Thuribulo, & deferente Crucem medius inter duos Acolyths Candelabra cum cereis accensis deferentes procedit ad summum Altare, ibique Clerus Congregatus stando cantat Antiphonam *Exurge Domine, &c* vt in Rituali Romano.

4. Finita dicta Antiphona duo Cantores ante Altare maius genuflexi cum toto Clero & populo deuote Litanias omnium Sanctorum cantare incipiunt, quae & cum repetitione ob longiorem viam recitari possunt, ceteris eadem voce repetentibus.

5. Cum autem cantatum erit. *S. Maria ora pro nobis* surgunt omnes & ordinatim procedunt egredientes, Litaniasque prosequentes, procedentibus Thuriferario, deferente Crucem, Acolythis & Clero, ultimo loco Sacerdos paratus, pluuiali, & post eum populus.

6. Si consuetum sit in huiusmodi processione portari Reliquias Sanctorum, & sacras imagines, seruabitur consuetudo, remouendi tamen erunt à Processionibus ludicri & indecori actus.

Carem. Epif. lib. 2. c. 22. 7. Eo ordine ibit processio, vsque ad Ecclesiam ad quam dirigitur, iuxta consuetudinem Ciuitatis, cuius Ecclesie Clerus, procedet obuiam vsque extra portam Ecclesie processioni, ibique stans eam recipiet.

8. Si Processio sit longior, Litanis que vsque ad preces exclusiue absolutis, dicuntur aliqui psalmi pœnitentiales vel Graduales: Hymni uero vel cantica lætitiæ in his processionibus omituntur.

9. Si in via diuertendum sit ad Ecclesiam unam vel plures, post ingressum in Ecclesiam intermissis Litanis vel psalmis cantatur Antiphona cum versu & oratione Sancti Patroni illius Ecclesie. Deinde egrediendo resumuntur Litanie, vel Psalmi.

10. Postquam peruentum erit ad Ecclesiam, ad quam iuxta consuetudinem Ciuitatis Processio dirigitur, celebratur ibi Missa solemnis Rogationum, in paramenti violacei coloris, & non S. Marci, nisi fuerit Titulus Ecclesie.

11. Missa finita, Processio regreditur ad Ecclesiam unde exiit, cantando interim Litanias vel psalmos pœnitentiales aut Graduales nondum absolutos, & reuersa in Ecclesiam omnes genuflexi, Sacerdos pluuiali indutus ante summum Altare genuflexus cantat preces deinde stans oratio.

orationes post Litanias omnium Sanctorum in Breuiario Romano assignatas. Clero respondente.

12. In Processionibus & Litanis minoribus quæ Rogationes vocantur; & tribus diebus ante Ascensionem Domini fiunt, eadem seruantur. Ad similitudinem harum Processionum regulari poterunt alia processiones extraordinariæ, quæ fieri quandoque contingunt ad placandam iram Dei. Si verò Celebrandæ erunt processiones ex causa lætitiæ, pro gratiarum actione, aut etiam pro translatione aliquarum insignium Reliquiarum Sanctorum, ordinari poterunt ad exemplum Processionis SS. Sacramenti, de quo supra fusè actum est.

13. In Litanis Maioribus S. Marci & Rogationum, qui interfunt Processioni, caveant, ne fabulentur, ne rei fiant coram Domino materialiter tantum interessendo, nam Litanie sunt pars integralis officij huius diei, & idcirco, qui non interfunt Processioni, dicto in Laudibus *Benedicimus Domino* omisso, & *Fidelium anime*. &c. & Antiphona *Regina calix* tenentur recitare priuatim genibus flexis Litanias cum suis precibus & orationibus sine psalmis pœnitentialibus.

14. Missa Processionum Litaniarum tres habet orationes, sine commemoratione cuiuscumque festi occurrentis, de quo, si nouem Lectionum est, poterit cantari, aut saltem legi alia Missa.

15. Altarium minorum paramenta erunt conformia officio, Altaris autem maioris & celebrantium in quocumque altari conformia erunt Missæ Rogationum.